

'Henti tuba udang galah Sungai Kedah'

Metro Ahd 12/2/2023 Mei 20

Alor Setar: Orang ramai diingatkan berhenti menuba udang galah di Sungai Kedah kerana dikhuatiri menjejaskan sumber perikanan serta memudaratkan kesihatan manusia.

Pejabat Perikanan Negeri Kedah dalam kenyataan berkata, pihaknya mengambil serius aduan yang diterima berkaitan kegiatan menuba udang galah di sekitar sungai berkenaan sejak kebelakangan ini.

Katanya, kegiatan terba-

bit berlaku dari kawasan Bukit Pinang hingga ke kawasan Anak Bukit dan Kubang Sepat di daerah Kubang Pasu.

"Kegiatan menuba ini bukan sahaja memusnahkan sumber perikanan malah dikhuatiri kesan racun yang digunakan boleh mendatangkan mudarat kesihatan kepada masyarakat.

"Cara-cara mengenali udang galah yang diracun adalah melalui pengamatan kepada rupa bentuk mata

udang itu mengecut atau pecah akibat kesan racun yang dituang ke dalam sungai," katanya.

Menurut kenyataan itu, pejabat perikanan akan menjalankan operasi penguatkuasaan segera bagi memastikan perkara ini dapat ditangani dan tidak membawa kemudaratan.

"Kegiatan menuba adalah kesalahan mengikut Kaedah-kaedah Perikanan (Perikanan Sungai) 1990 dan boleh dikenakan hukuman

penjara dua tahun atau denda RM20,000 atau kedua-duanya sekali," katanya.

Justeru katanya, orang ramai diharap dapat memberi kerjasama dengan memantau dan melaporkan kejadian tuba udang yang berlaku ke pejabat perikanan terdekat.

Maklumat juga boleh disalurkan terus ke Pusat Kawalan Operasi yang beroperasi 24 jam di talian 03-8870 4058.